1. Iblees ka jawab sajde na karne par

Ai Allah jab jab tune mujh hukm diye maine sajdeh kiye, zara meri sajdoh ki muddat bhi to dekh 90 crore saal se mai tujhe sajdeh karte aa raha hun, lekin in baar nahi, hargiz nahi, Surah Sad, Ayat 76

Mai isse behtar hun, tune mujhe aag se banaya aur isse mitti se, mai is mitti ke shakaar ke saamne kaise jhuk sakta hun, aag ki fitrat bulandi hai, mitti ki fitrat pasti, mai buland hokar past ke saamne jhuk jaun, hargiz nahi ho sakta, beshaq tu mera khaliq hai, malik hai, ai Allah mai tujhe caroro arbo saal sajdeh kar sakta hun, agar tu hukm de to mai apni puri zindagi ek sajdeh me guzar dun, mai saccha wahid hun, mai ghairullah ki tazeem karun, ye mujhse na hoga, mai aur bashar kitazeem meri fitrat isey gawara nahi karti

Uske is bebaka jawab par sabhi hairat zadah the, Allah ne us jhuthe tawheed ke dabedaar se khitaab farmaya, ai laid e mardud, mere nabi ki tauheen karta hai, usey haqeer aur past batata hai, aur apne ap ko behtar batata hai, bus tu jannat se nikal ja, tu aaj se dhutkara hua hai, aur behaq qayamat tak tujhpar ab laanat hai.

2. Ye the farishto ka sardar, farishto ka ustad, farishto ko parane wala, kahan wo mansab e jaleel ke muallemul malaiyeka kehlata tha, Jibreel عليه السلام, Mikael عليه السلام, Israfeel عليه السلام aur Israel عليه السلام iske shahgird hua karte the, Allah hi jaane farishto ki kitni tadat uski shahgird, lekin aaj uski ek adna si ghustakhi ne usey muallemul malaiyeka ke mansab e aali se bartaraf karke, shaitan e laaen, iblees e khabees, mardudo kaafir, laanati aur dhudhkarahua bana diya

Baat sirf ek sajde ki nahi thi, baat thi Allah ke hukm ki, Nabi ki tazeem aur tauqeer ki, baat thi Nabi ke ehtaram aur adab ki, baat thi Nabi ke ghulami ke iqraar ki.

3. Shaitan ne kaha, ai Allah, beshaq tu farma chuka hai, mai zameen me apna nayab banane wala hun, yaqeenan tu Aulad e Adam ko zameen me abaad farmayega,

phir unme apne Anbiya ko mahbuz bhi farmayega, hatta ke unme apne sab se pyare Nabi se ko bhi mabuz farmayega, ai Allah mere saath bhi insaaf hona chahiye

- 4. Iblees ne pucha, mujhe bata ke jab Aulad e Adam me paighambar honge to mere paighambar kaun honge, Allah ne irshad farmaya, sun, tere paighambar jaadugar aur nujumi honge jo logo ka bura karenge aur ghaib ki baato ka daawa kiya karenge
- 5. Iblees ne phir pucha, Elahi, tu apne paighambar ko kitaab aur sahife ata farmayega, aur bil khusus apne mehbub par Quran bhi nazil farmayega, meri kitaab aur mera Quran kya hoga, Allah ne irshad farmaya, ki teri kitaab jhuthi kahani hogi, tere Quran faish aur kish par mabni shairo shaiyri hogi
- 6. Iblees ne phir pucha, Elahi, tere Nabi ki masjide hongi jisme tere farmabardar bande teri ibadat karenge, meri masjide kaun si hongi, irshad hua, ki teri masjid bazaar aur wo jagahen hongi jahan gunaah kiya jayega
- 7. Iblees ne phir pucha, Elahi, tere Nabi ke moazzin honge, jo azaan pukarkar tere bando ko teri ibadat ke taraf bulayenge, mere moazzin kaun honge, meri azaan kya hogi, irshad hua, tere moazzin raat gaane wale honge teri azaan saaz aur mosaki hogi
- 8. Iblees ne phir pucha, Elahi, tu apne naik bando ko paak aur halaal ghizah ata dega, mujhe bhi to khane ki hajat hai, mera khana kya hoga, Allah ne farmaya, tera khana haraam ashiyah hogi aur wo ghizayen hongi jis par mera naam liya jaye
- 9. Iblees ne phir pucha, Elahi, tu apne naik bando ko saaf suthra paani aur deegar laziz mashrubat bhi ata farmayega, mere liye kya hoga, irshad hua, tera paani sharaab hogi aur teri mashrubat wo cheez hogi jo nasha laye

- 10. Iblees ne phir pucha, Elahi, duniya me tere auliya aur mehbub bande bhi honge, jinki mohabbat aur sohbat ke zariye tere gunehgaar bande tera qurb hasil karenge aur tu unse raazi ho jayega, unke gunaho ko baksh dega, mere auliya kaun honge jinke zariye mai logo ko phasaun, irshad hua, ke tere mehbub bande ghair mehram aurten hongi jinke zariye tu logo ko phasse hoga aur wo tujhse kareeb ho jayenge
- 11. Hadees: Rasulallah irshad farmate ke maine ek din, shaitan se pucha ke tera sab se azeez tareen dost kaun hai, bola, benamazi, tera mehmaan kaun hai, kehne laga choar, maine phir mazeer usse pucha, ke tujhe parwar digar ki kasam, sacch bata, tujhe sab se zyada pasandida aur mehbub kaun hai, jawab diya, Ya Rasulullah, apne izzat e parwar digar ki kasam di hai, warna mai ye kabhi na batata, mera sab se pasandida aur mehbub wo shaks hai jo Hazrate Abu Bakr aur Hazrate Umar ko gaali deta hai

Is riwayat ko Hazrate Imam Abdul Rahman As Safuri As Shafeyee رحمة الله عليه ne apni mashur kitaab, "Nuzratul Majalis" Vol 2, pg 55, 56 me tehrer kiya hai